

Kijeni oni irotin lukipedoria ayongite ka amina ikauriakawok. Ejaas da irotin lukipedoria oni ayongite ka amina Edeke.

1. EDEKE LOKOLO KISUBUNI IJO KIMINA IJO NOI. IDO EJAAS NGESI KAITEMOKINET NAKAUMOKIN KANUKA AIJARAKON.

AMINA NAKA EDEKE MAMAKON

"Naarai komina Edeke akwapin noi, abu da koinak Okokuke loteluna, tetere nginitunganan yeniyuuni nges kinye amudiaro, konye kojaas kaijar naka ikar kere."
Yokana 3:16

AITEMOKINET NAKA EDEKE KANUKON

(Yesu nges inera) "Abu eong kabu tetere ejaunete kaijar, ejaunete da kanaedeparit," (aijar naileleba aiyalama kainapakin).
Yokana 10:10

Kanukinyo mam itunga luipu ejaatar kaijar naedeparit? Naarai...

2. ERAI ITUAN IKADIAKANARAN IDO ABU KOGITAR KANEEJAI EDEKE.

Kanukangun mam epedori ajaut toma amina naka Edeke kajenun aitemokinet naka Edeke kanuka aijarake.

ERAI ITUAN IKADIAKANARAN

"Naarai adiakasi itunga kere, ido mam edolokinito aibuses naka Edeke."
Iromayon 3:23

Abu Edeke kosubu ituan tetere idicasi ituan kanges, konye abu ituan koseu apaar alosite orotoke bon konangi do eidicaneke ka Edeke. Kwape anangia eidicane lo, emwangit ituan Edeke, iswamai nu ekot eketau kere ido mam epodokit nu inera Edeke. Nu kere itodunitos ibore yen enyaritai koBaibuli ebe adiakar.

EGITARA ITUAN KAMA EJAI EDEKE

"Konye apotu numam adolitekus kogitasi yes ka Edekekus, kibwaata akusironisio akekonyen kamakus, tape engeri apupun."
Isaya 59:2



Erai Edeke Lokalaunan. Erai ituan ikadiakararan. Kidingikec ejai atiaketait naepol. Atiaketait na nges adiakar naka

ituan. Aputo na itodunit ituan etamit adolokin Edeke kitwasamai agogonguke bon. Etami araut ituan yenejok, acoite atupite ediini, aingaranakin luce. Kwape kianyunia kotoma aputo, nu kere mam ingarakinete nges adolokin Edeke kanuka akediakar.

Akirot nakiuniet nges kiteienikini oni erot ediopet bon loipedoria adolokin Edeke ...

3. YESU KRISTO NGES BON EINAKIT EDEKE KANUKA ALEMAR ADIAKAR NAKA ITUAN

Kotomake ipedori ijo ajaut toma amina naka Edeke kajenun da aitemokineteke kanuka ajarakon

ABU YESU KOTWANA KANUWOK

"Abu Ngesi (Yesu) elopet kibwok adiaakanaretawok, kakuanake kokitoi, tetere kitwaki kama ejaas adiaakanareta kajarata mama ejai adolit."

1 Petero 2:24

EJARI YESU LOLO


"Abu Kristo kotawna kanuka adiaakanaretawok kwape ejaatar nuiwadikatai, aponi konukai, aponi kitajarunai kapaaran kanakiwuniet, kwape ejaatar nuiwadikatai."

1 Ikorinton 15:3,4

YESU BON NGES EROT LOKITODOLI MAMA EJAI EDEKE

Kotema Yesu nges atiar, "Arai eong erot, ka abeit, ka ajar da; emamei yenebuni mama ejai Papa dimikito itori tomakang."

Yokana 14:6



Ituan ilope bon mam epedori adolokin Edeke, kanukangun abu Edeke kijuku Okokuke Yesu Kristo atwanare komusalaba kanuwok. Kwape itodunitor aputo na kipedori do kwana oni adolokin Edeke, ketoritos neejai Yesu.

Mam edolit aijen akiro nu auni bon. Akirot nakiwongonet nges kitodikini oni nuibusakinit aswam . .

4. IBUSAKINIT NGINITUNGANAN KANUKENG AISUKUNYUN YESU KRISTO KWAPE EKETAJARANIKE.

Kicamaki nges aipuga ajarawok, kinyakuni oni toma amina naka Edeke kaisipedor oni ajenun aitemokinet naka Edeke kanuka ajarawok.

IBUSAKINIT ONI AISUKUNYUN KRISTO

"Konye ngul kere lukisunyunete Nges, koinak apedor araun idwe luka Edeke, kes ngul luyunito ekekiror."

Yokana 1:12

KISUKUNYUNI NGES KOTOMA AIYUUN

"Naarai asianut nges kitajari yes kanuka aiyuun, kwambo mam kebuni kamakus, nges ainakinet naka Edeke, mam kebuni kanuka aswamisio, kinyek itunganan kere aolobobotor." Ipeson 2:8, 9

KISUKUNYUNI YESU, KINYARAUNI NGES KOBU TOMA AIJARAWOK

(Ebala Yesu ebe) "Koany abwoi kokek ekungukungi; arai epupu itunganan kere ekaporoto, kongaa da ekek, alomari


mamakeng." Apukokinio 3:20

AIKUKUNYUN YESU IMORIKIKIT:

1. Acamun ebe irai ijo ikadiakanaran ka aibelokin anyoun kotoma adiaakanaretakon.
2. Amunokin Yesu aisioni adiaakanaretakon kere.
3. Ainakin ajarakon kere neejai Yesu tetere Nges ipugai ajarakon, kaitaraun ijo ituan yeniswamai nuekoto Ngesi.

Mam edolit acamun nu bon. Ibusakinit oni aingic ajarowok

AIJAR NAKA ITUNGA EPOTOS KA ITOGOI LU IAREI



*Alibo kotogoi kalu eputos kaijarakon?
Alibo etogo ikoto ijo koputos kaijarakon?
Nuetupakinito kane itejenunitos epone loipedoria ijo aisukunyun Yesu.*

IPEDORI IJO AISUKUNYUN YESU KWAPE KWANA KOTOMA AILIP

(Ailip nges einer ka Edeke)

Kilip Yesu kolom toma ajarakon. Komunokin Nges kitodolik ngin naesumunit Ngesi. Ejeni Edeke etaukon, ido epodo Ngesi noi nuitai kotaukon adepar akiro nuinera ijo kotoma ailip kon. Ipedori ailip kwanata:

Ejakait Yesu, ajenu ebe ayait lem eong bon ajaraka ido adiaaka kamakon. Eyalama ijo atwanikin eong kanuka aisioni adiaakanaretaka. Angaikini ijo ekek loka ajaraka. Koya ajaraka ido koinakinai aismawaenen duc nuikoto ijo. Eyalama ijo apupokin akailip ido kanu ijo alomun toma ajaraka. Amen.

Ailip na, ingarakinit ijo alimokin Edeke nuipuda etaukon? Arai erai kwangin, aso kilip ailipasit na kwape kwana, tetere Kristo elomuni toma ajarakon kwape kisumunitor Ngesi.

ISUMUNIT EDEKE AINAKIN AIJAR NAKA IKAR KERE MAMA EJAAS NGUL LUISUKUNYUNETE YESU KRISTO

"Abu Edeke koinak oni ajar naka ikar kere, ejai da ajar ngin toma Okokuke (Yesu). Yenejai Okoku, ejai da ajar; yenemani Okoku loka Edeke emamei ajar. Kewadikak yes nu tetere ijenete ebe ejai yes ajar naka ikar kere, ngul luiyuunite ekiror loka Okoku loka Edeke." 1 Yokana 5:11-13

EPONE LOIJENUNA IJO EBE EJAI YESU KRISTO TOMA AIJARAKON

Ibu ijo kisukuny Yesu tcma ajarakon? Kotoma aisumuneteke kotoma Apukokinio 3:20, aibo kwana ejai Kristo? Abu Kristo kobala ebe ebuni toma ajarakon. Epedori kereka Ngesi aingalakin ijo? Inyobo kiinakini ijo ajenun ebe abongoki Edeke ailipasit kon? Kanuka amunonut naka Edeke elopet ka naka Akekirot. Kimalaenenei Edeke duc naarei ejai Kristo toma ajarakon ido mam cut kinyeikini ijo (Matayo 28:20). Ipedori ajenun ebe ijaasi ijo kaijer nakar kerere ageun kapak kangin nainyaraunia ijo Yesu kobu toma ajarakon.

KWAPE KIDAUNIA IJO AISUKUNYUN KRISTO TOMA AIJARAKON

Nakisukunyuna ijo Yesu, ipu iboro luapotu kojaunos toma aijarakon, kwape luetupakinito:

1. Abu Kristo kolomu toma aijarakon (Apukokinio 3:20 ka Ikolosain 1:27)
2. Aponi kisionoi adiaakanaretakon (Ikolosain 1:14).
3. Ibu ijo koraun ikoku yenika Edeke (Yokana 1:12).
4. Kigeuni ijo ajenun aijar naedeparit naesumunit Edeke kanukon kajenun da aitemokinetake kanuka aijarakon (Yokana 10: 10 ka 2 Ikorinton 5:14,15,17).

Iwomit ijo ebe ejai ibore yenejok atakanun kotoma aijarakon adepar aisukunyun Kristo?

Ikoto ijo aimal Edeke kwape kwana kotoma ailip kanukangun nukiswamak Ngesi ijo?

Aimal Edeke itodunit aiyuun kon.

EPONE LOIPEDORIA IJO APOLOO KOTOMA OMOYO

"Ejari ikadoliton kanuka aiyuun" (Igalatian 3:11).

Aijar na n¹kitetet erai naka aiyuun ido nakainakite Edeke aijarakon kere. Ido nuepolok kes nu:

1. Kinerananas ka Edeke nginipaaran kotoma ailip (Yokana 15:7)
2. Kosiomenenei Akirot naka Edeke (Ebaibuli) nginipaaran. (Aswamasio 17:11). Ipedori agear koitabo loka Yokana.
3. Koricite aicorakineta nuka Edeke nginipak kere (Yokana 14:21)
4. Koraun ikajenan ka Yesu kotoma aswamisinei kon ka einer kon kere (Matayo 4:19 ka Yokana 15:8).
5. Komunonena Ejakait Edeke kotoma oboro kere (1 Petero 5:7 ka Awaragasia 3:5,6).
6. Kocamak Edeke kitogogongite ijo ka Emoyoke Lokalaunan kotoma aijarakon kere naka nginipaaran, kotoma da alimonokin luce kojenutu Yesu (Igalatian 5:16,17 ka Aswamasio 1:8)?

NU EPOLOR ATUKONOKIN NAKA IKRISTAYON

Kilimokinit oni Ebaibuli ebe kenyeis apalun atukonokin kaluce Ikristayon (Iburaanian 10:25).

Arai etukokinitai apungurei toma oupa enokete noi. Konye kelemun adiofet kakesi kosodete aibwaikin owaik bon edungiori katipet. Kwape kwangin etiono ituan apolo kotoma Yesu arai ketiakar kotoma atukot.

Kolosenenei Okanisa ne einakitere Kristo akeibuses ido ne elimonokinere Akekirot. Kotukonokin ka itunga luce luejenete ebe erai Yesu Eketajaranikec.

**ADDITIONAL
ASSISTANCE**